

2

103

THE MISTII

Peripatetici lucidissimi paraphrasis in
duodecimum librum Aristotelis
de prima Philosophia,

M O S E F I N Z I O
INTERPRETE.



V E N E T I I S ;
Apud Hieronymum Scotum .

M D L V I I I .





AC REVERENDISSIMO

MARIANO SABELLO

EPISCOPO EVGVRINO,

MOSE FINZIUS.

S. P. D.



THEMISTII Paraphrasis in duodecimum librum Aristotelis de prima Philosophia, præsul amplissime, quæ iamdiu à Grecis desideratur, cum Hebraicè nescio quo fato reddita in manus meas perueisset, non eram nescius operæpretium, & rem omnibus eius scientiæ studiosis pergratam me facturum esse, si eam in latinum sermonem transtulissem; ne libri perdifficilis interpres locupletissimus diutius in tenebris delitesceret. Eam rem cum iam sæpius inchoassem, nondum tamen variis distentis negotiis perficere potueram, cum forte omnem consilij mei rationem exposui. Benedicto Manzolo Mutinensi viro in omnium scientiarum genere exercitatissimo, & mecum summa familiaritate coniuncto. Is me percepta re non solum hortari, sed etiam inflammare, & impellere cœpit, ut sulcærum munus absoluerem, neque his contentus, ut quasi stimulum, & calcar adderet, paucis post diebus tuas ad se literas ostendit mihi; quibus institutum meum summopere laudabas, rogabasq; ut cum primum opus perfectum esset eius tibi videndi potestas fieret. Tunc ego abiecta omni cunctatione, cunctis reiectis negotiis totum animum ad vertendam Paraphrasim appuli. eam enim nactus esse mihi visus sum occasionem, quæ iampridem à me vehementer exoptaretur, ut ita tecum agerem, ut me tibi penitus deditum, & consecratum esse intelligeres. Ea enim de te iampridem audio ab omnibus, præsertim à Benedicto Manzolo, qui te in primis colit, atque obseruat, ut te vnum admirer, te vnum suspiciam: qui ea qua es ætate, nobilissimo genere natus: quod his temporibus rarum admodum est, ne dicam inauditum: in omni literarum genere adeo profeceris, ut eruditorum nobilissimus, nobilium eruditissimus habearis: nec dictu facile sit quantum per te antiquissimæ, ac illustrissimæ familiæ tuæ, in qua viri omni ætate bello pacēq; insignes florere, splendoris ac lucis accesserit, indiesq; magis accedat. Tu homo Romanus Græcè summa cum venustate loqueris, & scribis. Hebraicè, & Chaldaicè optime intelligis. Tu in vniuersa Philosophia, atque Theologia ita versatus es, ut nihil tibi in iis difficile sit ad intelligendum, nihil ad explicandum. Ea vero es suauitate morum præditus, ea vitæ innocentia, atque integritate, ut gloriæ tuæ nemo inuideat; boni omnes te quasi religionis exemplar ad imitandum tibi proponant. Hac igitur famæ tuæ celebritate

A ij tate

tate incredibili in te amore inflammatus Themistij interpretationem à me tandem absolutam tibi dedico, & sacro, non solum vt cuius auspitiis opus ad finem perductum est, eius etiam tectum, & atque munitum auctoritate in lucem prodeat (quantam enim sibi apud lectorem gratiam hoc nomine conciliare possit liber intelligo) sed etiam vt meæ huius erga te singularis obseruantiae monumentum vulgò extet. Quod quidem si quis attentius perlegerit, eum minime inficiaturum esse confido, hanc eam esse Paraphrasim, quam Themistio ascribit, passimq; citat Auerroes in iis commentariis, quos in. 12. Aristotelis librum de prima Philosophia edidit. Tu autem vnà cum aliis, qui acri ingenio præditi sunt, optime etiam hic perspicies Themistianam illam interpretandi rationem, miramq; in rebus obscuris claritatem. Quamquam enim auctor de viafessus, ac longa peregrinatione confectas, vestitu immutato, in sordibus, & squallore veridatur (à Græcis enim ad Arabas, & inde ad Hebræos migravit, apud quos circiter tercentum, & tres annos delituit, nunc vero tandem in Latinum peruenit) non adeo tamen eius deleta sunt lineamenta vt Themistium agnoscere non possis. quo quidem, qualiscunque sit, interea perfruuntur studiosi dum expectant vt Archetypus à te, vt es omnis antiquitatis solertissimus, & liberalissimus indagator, è Græciæ ruinis, ac tenebris eruatur: nec laborem meum contemnant. nam quemadmodum nobiles illas, & immortales substantias vel leuiter attingisse satius est, quàm pleniori intelligentia cætera assequi, ita Themistium, qui de iis ex Aristotelis præscripto loquitur, non ignorasse melius fore existimo, quàm quosdam alios interpretes summo studio perlegisse. Tu igitur optime Antistes Themistium quem tibi dedico amplectaris, & foueas, meq; in fidem, & clientelam tuam accipias, vt ad alia tibi offerenda alacrior sim. Vale.

Mutinæ. Idibus Martiis.

MDLVIII.

THEMISTII

THEMISTI

PERIPATETICI LVCIDISSIMI

PARAPHRASIS IN DVODECIMVM

LIBRVM ARISTOTELIS

DE PRIMA PHILOSOPHIA,



MOSE FINZIO INTERPRETE.



QUANTVM Ens pluribus modis dicitur: nos tamen eius principia inquirere volumus: Substantiæ duntaxat principia inuestigamus. Nam hoc magis ei debetur, quàm cæteris entibus. siue enim vniuersitas ita cohaereat, vt membra cum humano corpore, & partes cum planta: siue ex rebus constructa sit, quæ se inuicem tangent, vt domus, & naus: siue confletur ex separatis, & dispersis: vt ciuitas, & exercitus: princeps omnium ipsius partium substantia est: obtinetq; eundem in vniuerso locum, quem obtinet cor in animalium corpore. Sin autem nullo horum modorum fuerit: sed vnitati similis: quæ in numero prior est: deinde duo: deinde tria: aut triangulo, qui reliquas rectilineas antecedit figuras: cum enim sequitur quadrangulus: hac etiam similitudine substantia est prior: deinde quantitas: tum qualitas, & reliqua. Nam esse substantiæ subsequentiū esse antecedit: vt vnitas cæteros numeros: & triangulus cæteras præcedit figuras. Hoc autem est, quoniam non omnia genera vna, & eadem ratione entia dicuntur. Sed inter illa dignior est hoc nomine substantia ipsa. cætera enim esse dicimus, propterea quod substantiæ insunt: eius nanque aut quantitates sunt: aut qualitates: aut motus: & similia. ac Entitate participant, quia Substantia inhærent. Porro si alia quoque genera dictionibus esse significantibus nuncupari videantur, nemo miretur. Nam penitus introspicienti dictiones illas Substantiæ potius aptari comperiet. Cum enim dicimus hoc lignum album est: illud est, album es, se significat: tamen verbum non albedini, sed ligno adaptatur. pari modo cognata his accommodantur: cum negamus quædam accidentia alicui inesse: eò igitur magis cum affirmamus. sicut enim cum dicimus lignum est non album: lignum est non rectum: est non rectum, & est non album, ligno adscribuntur. ita cum lignum rectum est, dicimus, istud, est, ligno coaptatur. Nam impossibile est accidentia, vel cogitatione à substantia separari, eò minus re ipsa: ceu substantia ab vniuersitate cæterorum generum segregari potest: non eò tamen quod sensibilis substantia vilo pacto prorsus accidentibus nudetur. nam substantia vna, & eadem numero manet, accidentibus iisdem numero minime manentibus. Quinimmo permutantur: & modò hoc adueniat, modò illud. oriuntur alia, & alia intereunt. huiusmodi sunt quantitates, qualitates, passionēs, loca, ac tempora, hisq; generibus finitima, quorum tamen generum

nerum initium, & fundamentum Substantia est. Huius quoque dicti veritatem testantur veteres ipsi. eorum enim, quæ sunt, principia, & elementa quærentes, substantiæ principia indagantur, non qualitatibus, quantitatibus, & huiusmodi. Ex quo perspicuum fit discrimen inter quæstionem de generibus entium. Quot sint, & quæstionem quot sint initia entium. nam Substantia tantum initia habet, & cuiusque substantiæ initia quærentur, quatenus est vna numero. Vniuersalia vero in mente existunt ex cōiugatione quadam in ea à singularibus: quorum vnumquodque est sicut aliud: orta. Qui igitur hac ætate sunt: quippe qui sunt in differendi facultate exercitati: vniuersalia Substantias magis, quàm singularia, ac quasi principia eorum esse ponunt. Nam hominem vniuersalem principium dicunt Socratis, & Platonis: & equum vniuersalem huius, & illius equi. Antiquiores vero magis sensum sectabantur: Philosophia namque tunc temporis proximè orta fuerat: & singularia digniora substantiæ principia esse putabant, iccirco cum terram, ignem, aut aquam, aut aerem initium substantiæ dicerent: non tamen terram vniuersalem, aut ignem vniuersalem, aut alia vniuersalia elementa esse aiebant eorum, quæ sunt. Sed ne corpus quidem commune huius terre, huius ignis, huius aquæ, atque huius aeris, elementum esse asseuerabant. Sæpius verò vtranam harum sectarum rectius sentiri disputauimus. an quæ vniuersalia priora, an quæ particularia ponit. Sed eorum opiniones quamuis refutauerimus: nihil tamen prohibet nos de hoc edisserere. Nunc vero iam expressè meminimus, inquirentem principia eorum, quæ sunt necessario principia substantiæ inquirere. Substantiæ autem sunt tres: quarum duas omnes homines fatentur: quoniam sensibiles, utpote subiectæ sensui visus. Harum vna est perpetua. substantia nimirum corporum cælestium: alia corruptibilis, & est substantia humi degentium, plantarum inquam & animalium: atque huius elementa in precedentibus sermonibus summuntur. palàm est autem ex multis constare, ex igne nempe, terra, & cæteris: & ex alijs præterea, cum simplicioribus, tum numero paucioribus: aut saltem ex vna re tantum, quæ quandoque seccernitur, & fit mollis, quandoque verò concreuit, & induratur. atque hæc quidem sunt duæ substantiæ. tertia autem Substantia immobilis est, & sempiterna, omnisque mutationis experta: neque enim mutatur, ut ea, quæ in terris sunt, plantæ inquam & animalia, quæ ex vniuersa sui natura exeunt, & corrumpuntur: neque mutationem localem subit, quam solam corpora hæc cum cælestibus communem habent. Nam quauis corpora cælestia varijs temporibus nequeant forma, & specie sua mutari. attamen non dedecet ea diuersis temporibus diuersos variare locos, & super hoc ædificata est naturæ facultas. Substantia vero quæ immobilis est, & cui non miscetur corpus, immutabilis est omnino. quapropter separari dicitur à sensibili substantia. atqui certe non loco: nam falsum est dicere loco separari substantiam locum penitus non habentem, & ab extremitatibus corporum non ambientem, quomodo ambiuntur omnia quæ loco continentur: sed à sensibili separatam dicentes quandam inter eas diuersitatem ostendimus. insipientes enim vnam earum immobilem penitus esse, nec ab alio, nec à se ipsa mutari, postmodum inuenientes omnia, quæ sensibili substantiæ insunt, alio, & alio modo se habere, iure, & merito sequestrandam à sensibili substantia intelligibilem asserimus adeò ut nihil ipsi commune sit, neque quod ad naturam, neque quod ad nouationem vllam pertineat. de hac igitur prima, & immobili substantia hoc sermone tractaturi sumus: & quæ de ea opinati fuerint antiqui, narraturi. Nam alij diuidebant

in Duodecimum librum

3

bant eam, alij vnam tantum esse statuebant naturam, diuidentes ponebant & formas, & dimensiones Mathematicas, non solum priores substantias quam sensibiles, sed illas etiam harum initia esse. Dicentes vero intelligibilem substantiam esse vnam. Mathematicas dimensiones ipsas esse substantias ponebant: formasq; reiciebant. Porro sensibilis Substantia naturali scientia indiget: non enim ex motu euadit, idque secundum omnes eius partes, altera vero ad aliam scientiam, eamq; nobiliorem quam sit scientia naturalis, spectat: cum nihil sit commune ipsis, aut in generatione, aut in loco, aut in augmento, aut in decremento: nec commune principium habeant à quo producantur. Nam prima nullum habet principium. secundæ vero principium est ipsa substantia prima. Amplius nec eadem cognitione apprehenduntur. altera enim sensibilis est, altera intelligibilis. Rursus immutabilis, immobilisq; substantia, natura prior est mutabili substantia, quæ perinde, atque res labiles, fluit. at quia ea quæ insunt nobis maxima ex parte à sensibili terminantur: ideò prius de ea loqui consueuimus: finitima enim nobis est, & quam simillima nostri: & de ea in ijs, quæ de natura sunt amplissime tradidimus: & declarauimus nullam sensibilem substantiam ex mutatione euadere posse. mutationemq; ex contrarijs fieri: non ex omnibus tamen: sed ex similibus tantum, ac proximis. Nam fit album ex non albo: non tamen ex omni non albo: non enim ex voce: tamen si vox non alba sit: sed ex nigro duntaxat, aut rubro, aut ex eorum aliquo, quod de colorum speciebus sit. cæterum declarauimus his duobus contrarijs tertium quoddam necessariò subiiciendum esse. non enim sese illa mutuo sustinent. Sed quod vtrisque subiicitur, natura quædam est vnum contrariorum exuens. & alterum suscipiens: ibidemq; quatuor mutationis species numerauimus in hac substantia. prima quidem in definitione rei est, qua scitur quid res sit, vt cum fit homo ex non homine, aqua ex non aqua, & aere: & hanc modo generationē, modo corruptionem appellamus. secunda in qualitate: & alteratio nuncupatur. tertia in quantitate, & quandoque augmentatio, quandoque imminutio dicitur. quarta est migratio de loco ad locum, quam translationem nominamus, nec expertia sunt huius transmutationis cælestia corpora. nam & ipsa de loco ad locum mouentur, & contrarijs aliquando ad contraria: inest namque locis contrarietatis quædam species admodum oppositionis: vt cum à priori ad posteriorem partem mouentur. nullus enim localis motus alio pacto fieri potest, neque in hac mutatione duo contraria sufficiunt: sed in ea, perinde ac in alijs, corpus quoddam subiici vtrisque contrarijs oportet, quod quidem ab vno ad alterum moueatur: nisi quod hoc cæleste corpus diuersum haberetur à corpore generabili, & corruptibili subiecto. hoc enim secundum se totum mutabile est, cæleste vero solum situ mutatur. Sed ea quibus natura eius, & natura cuiuslibet partium ipsius sustinetur immutabilia sunt, ac immobilia. particeps tamen exilem quandam in modum potentie, & actus, quatenus ipsius partes sunt potentia ad aliquem locum, ad quem postea actu perueniunt. sed & hoc omnibus sensibilibus substantiis est commune exire inquam è potentia ad actum: vt ex potentia albo, ad actu album: & ex bicubitali potentia, ad bicubitale actu: & ex hoc quod erat potentia Socrates, ad actu Socratem. nam femur ex quo genitus est Socrates, pridem potentia Socrates fuit. Ex quo diluitur trita illa, & communis dubitatio, quomodo ex non ente aliquid fiat. Nam id quod fit, non ex prorsus non ente efficitur, sed ex eo quod partim est, partim secus, id enim ex quo fit id quod fit, potentia est idem, quod a actu erit. quod autem mutatur

est cor-

est corpus, iccirco substantiæ perpetuæ, quæ ortum, & occasum minime subeunt cum loco mutantur & ipse fieri non potest quin corpora sint. Non ens autem tribus modis dicitur. vno modo, quod penitus non est. altero vt priuatio rei ortæ opposita. tertio quod potentia est. Duobus igitur prioribus modis quicquam fieri nequit. quid enim fieri potest ex eo, quod omnino non est, aut ex priuatione, dum ipsa manet? Sed ex corpore mutationi subiecto aliquid fieri potest: nam in eo quod est potentia, est id, quod fit, actu vero non est. stantibus his, non ex quocunque corpore quoquo modo se habente, cuiuslibet rei generatio erit. nauis enim minime è lapillis fabricatur: nec ex quocunque gignitur homo: sed nauis ex lignis constructitur: domus vero ex lapidibus: & homo ex semine humano oritur: non ex quolibet tamen: sed ex semine ex quo ortum habuit: pari modo æquus ex semine æqui gignitur. at si corpus, ex quo ea, quæ sunt, originem ducunt, secundum omnem sui rationem vnum esset, nec esset in naturaabilitas quædam varia: quam cernimus multitudinem ex eo non emanaret. nam q̄ verè vnum est, non suscipit multitudinem: sed oportet vt habeat potestatem adnexam, qua, tametsi vnum sit, multitudinem recipere queat: quod si recipiens huiusmodi non fuerit, non est quidem rectum dicere illud eo modo à creatore positum esse, qui deinceps cogat ipsum, vt multitudinem subeat, hoc enim sapientis non esset. Anaxagoras autem creatorem vnum, itemq; sapientem concedit: vndenam igitur generabilium pluralitas creatore vno existente, & corpore ex quo generatio fit, non multiplicabili: interrogatus: mens inquit creatoris, ac si ædificator, faber lignarius, aut aurifex esset, accipit quoddam corpus, illudq; disiungit opportuna disunctione, & construit: componitq; variis formis pro vt decet. Nos vero se aliter res habere cernimus, quàm dicat Anaxagoras. Nam prius mutatum est vniuersum corpus in elementa quatuor: & præterea in stirpes, & animalia: at rerum multitudo à duobus prouenit: cum à creatore ob formarum multitudinem, quam corpori præbuit: tum à corpore ipso, quod quidem ad recipiendum aptum est. petinde ac si quempiam ceram accepisse fingamus, & ex ea multas animalium, plantarum, ac inanimatorum figuras confecisse: tunc harum figurarum pluralitas à duobus proueniret: ab artifice effingente: & à cera ipsa. ab artifice quidem: quia multas figuras finxit, ex cera vero quia potest multas figuras recipere. insuper in naturalibus dilucidatum est, neque formam per se solam effici posse, neque recipiens per se solum fieri. Rotunditas enim sola ab arte aurificis non fit: neque fit aurum: sed aurum fit à vena: rotundum autem ab aurifice redditur. Nam alioqui in infinitum progredieremur. quoniam si recipiens corpus generari posset, necessarium esset subiectum vtique aliquod: ex quo manente, & antecedente produceretur. Similiter si corrumpi posset: in aliud corpus resolveretur, post hæc expositum est vnamquamque rem naturalem solummodo ex sibi simili, ac cognomine oriri: nec hoc in naturalibus solum: vt quod homo generet hominem: sed etiam ea, quæ arte fiunt, hoc pacto sunt. nam generatur domus à domo: domus, inquam, sensibilis ab incorporea domo. Sed artem principium ab vno in alterius naturam esse constat. Natura vero principium in eodem ipso est. fiunt autem vitia, læsionesq; in natura, corpore ex quo generatio fit impedito, atque frustrato, neque eo vsque prouecto: quo naturalis ratio, atque ordo duxisset, idque potius priuatio principij appellari debet, quàm dignetur nomine principij. vt multa incommoda nauis incurrit ob nauis imbecillitatem, cum ab aliquo vim patitur. tres igitur substantiæ sunt; inter quas vna

immutabilis

in Duodecimum librum

s

immutabilis penitus, & immobilis est: quæ non sensu, sed intellectu duntaxat apprehenditur: reliquæ duæ sensui subiectæ sunt: quarum vna perennis, altera caduca existit. sed tuum est sensibilem substantiam corruptioni obnoxiam in tres substantias dirimere: in elementum corporis formam suscipientis: in formam ipsam: & in id quod ex his constat. Neque tres substantiæ in hoc ferè conueniunt, vt sint hoc aliquid. Hoc nanque magis proprium substantiæ est, quàm reliquæ eius proprietates. Accidentibus enim, ne per temporaneum quidem spatium, significatio super hoc suppeditabitur. remotius tamen, vt sit hoc aliquid, est elementum. Nam materia ex sui natura est informis: nisi quod est quodpiam optans, hoc aliquid apparere: & substantia numgratilis esse: & videri renuit, dum forma priuatur: ne paupertatem, atque egestatem suam ostendat. nec sensus eam percipit, donec formam induat. attamen intellectus discursu quodam forma carere cognoscit: & scit ipsam esse per id, quod non habet. non enim habet formam qua fulciatur. At cum ipse ab ea omnes formas abstraxerit: tunc conuertet se ad eam. & semel ad primam materiam conuersus agiliorem postmodum comprehensionem in cuiuslibet rei materia proxima inuenit. nam materia hæc est hoc aliquid. habet enim formam: vt æs statuæ: & tabulæ nauis, sed hæc magis: cum sit ex rebus separatis, & non vnitis. vt etiam sunt lateres, ac lapides domus. hoc igitur modo ex imbecillitate, abstrusione, & remotione conuertitur materia, vt hoc aliquid appareat, his nanque existentibus videri respuit, nec per temporis momentum potest oculo cerni. Forma vero materiam regens, quæ informatur. dignior est hoc aliquid esse, sed, quæ reliquas antecellit in esse hoc aliquid, est substantia composita singularis, vt hic. & ille homo, cæteraq; aliarum rerum singularia. At sciscitandum venit, vtrum detur forma seiuncta à corpore: an omnes formæ in corpore sint, adeò vt forma tantum substantiarum compositarum sit forma, quæ cum fortasse separari possit intellectu: nusquam tamen reuera per se sola existat. Dicamus artificiale formas hoc modo se habere. quod ex earum ratione innotescit. Nam leetuli forma aut in ligno est, aut in artificis mente: & sanitatis forma, aut in corpore existit aut in mente medici. neque est corruptio horum. neque generatio: sed alio modo sunt, & non sunt vt sæpe dictum est. sed quæ natura sunt non euadunt. quin aliquam formam à corpore seiunctam habeant, vt est anima, & intellectus. Idcirco ponentes formas abstractas esse, formas istas natura constantibus tribuebant, artificialibus vero nequaquam. formæ tamen naturales ferè corpus respiciunt: vt forma ignis, & forma carnis: cuius ordinis sunt omnes formæ naturales, & singulares. Nam sine corpore nequeunt manere. Mouentes autem formæ, & efficientes, non est falsum dicere quod antecedant ea, quæ ab ipsis procreantur: tamen in corpore sint: & hoc pacto Socratis pater Socratem antecedit: & statuarius præcedit statuum, quam effecerit. At formæ quæ sunt vt ratio substantiarum compositarum simul necessariò sunt: non ante eas. Socratis enim sanitas cum Socrate est: non ante ipsum. figura quoque huius pilæ, & pila simul sunt. Nunquid autem post interitum compositi. vlla harum formarum maneat considerare oportet. In quibusdam nihil prohibere videtur: veluti si anima talis sit: non omnis: sed mens ipsa. vt enim omnis permaneat anima fieri fortasse non potest. Si igitur rei præexistentis forma in id quod gignitur, formam sibi similem inducit, vt cum homo generat hominem, & equus equum, & singularem quodlibet (vniuersale nanque nec gignit. nec gignitur at quid generat, & generatur est hoc. & illud) quid in genera-

B

tione

tione opus habemus eius formæ, quā Plato dicebat? cur inquam generantis: forma exemplari vti debet, cum ad ipsius exemplum effingatur id quod ab ea gignitur? nam idem uomen, eademq; definitio, tam generatum, quam generans amplectitur: formaq; utriusque est eadem. eiusmodi enim est, natura formæ generantis, vt aliam sibi similem formam generare possit, sed ne ars quidem in agendo formam vllam tanquam exemplar ad imitandum sibi proponit, line quo Scamnium, aut aliam eiusmodi suppellectilem parare, nequeat. Ars enim est scamni exemplar, quoniam forma scamni est in mente artificijs ipsum facientis. veluti ars medendi est forma sanitatis, & ædificatoria forma ædium est. Et hic sermo de forma perfectus, & absolutus esset: nisi facesseret negotium, animalium multitudo, quæ à non simili nascuntur. Cernimus enim Vespærum genus ex equorum, apes ex bouum cadaveribus gigni, ranam ex putredine aquæ, atque genus quoddam muscarum exigui corporis ex vino corrupto. tamen natura non producit ex re conuenienti in forma, sed nos optime nouimus proportionem quandam peculiarem spermati, seminibusq; plantarum ac animalium esse, quæ generantur, quæ gigni debent: certa, inquam, animalia, cæteraq; plantæ: non alix, adeò vt ex humano semine non generetur æquus: nec ex equino semine homo fieri possit: pariq; ratione neque ex huiusce plantæ semine alia planta efficiatur. nec aliter respondet hæc proportio animalis huiusmodi, vel plantæ generationi, nisi quia ipsa prius posita in natura est, vt sit proportio parata, atque disposita ad nouandam, quoad eius fieri possit omnem viuientis spetiem: dummodo materiam ad procreandam inueniat idoneam: nam alioqui non erumperet in actum. Nec spernas obsecro, talium animalium conditionem: sed cogita admirandam magis fore artificis peritiam, si quid ex luto fingat, quam si idem, ex auro, aut marmore constaret, quinimmo si oculis non conuiuentibus rationem maioris viuientium animaduuerterimus, inueniemus eundem in illo naturæ processum: neque fieri posse quin proportionibus adfint, atque formæ in natura positæ, quibus nouantur ea, quæ sunt nouanda. tametsi enim generetur homo ab homine, pater tamen nihil artificij habet in hac sua compositione; quæ talis existit vt meliori modo se habere nequeat. sed ita fit quoniam in cuiuscunque substantiæ natura proportio, atque forma inest, proinde non ab artificio patris, sed à proportionibus fit. præterea corpus in sola corporis superficie operatur: natura verò se in corpus vniuersum insinuat, neque mirandum id esse in natura ipsa nesciente, & ignorante se gignere ea, quæ ad institutum conducunt. etenim ipsa, nec quòd agat intelligit, nec mente percipit, & hoc indicat proportionibus illas honorabilioris, nobiliorisq; causæ, quàm ipsa sit. atque sublimiori gradu collocatæ minime assilari: nempe animæ, quæ est in terra: quæ secundum Platonem à dijs secundis manat: secundum Aristotelem à sole prouenit, & à circulo obliquo: & ob id opus efficit, ita vt quid sibi ad agendum proposuerit minime intelligat: quomodo assilantur homines vt verba loquantur, cum futura vaticinantur, haud sanè percipientes quid ipsi dicant. In summa fieri non potest, quin adfint in natura proportionibus, ac formæ, nam in rei generatione ipsius similitudinem adesse oportet. Sed non inuenitur quo pacto id omne quod gignitur à sibi simili gignatur. nobis enim aliqua forma egentibus actio quædam obuia fit, à qua sola scimus formam illam fieri non posse, & perinde forma illa fit, ac si in aliquo alio lateret, & re vera in natura generante latet. Sed cum institutum sit primum principium eorum, quæ sunt quærere, iccirco quærere quædam proficuum erit, &

primo

primo nunquid principium omnium possit esse vnum, & idem, vt illud idem initium substantiæ sit, eorum quæ sunt ad aliquid, quantitatatis, & qualitatis, an quodlibet prædicamentorum diuersum principium à principio alterius habeat. Cum verò principium trifariam dicatur: tum quod est initium motus: tum id propter quod est, id quod est: tum materies ipsa: decet nos de materiis querere, sit ne eadem materia omnium eorum: an quodlibet prædicamentum diuersas materias possideat ab alterius materiis. sed absurdum videtur si eadem omnium sint: vt eadem sint materiæ substantiæ, relationis quantitatis, & reliquorum. si verò quis hoc affirmare conabitur: queremus ab eo, quænam hæc materia sit: si vna est: aut quænam hæc materiæ sint, si plures sunt: nunquid extra decem genera: an in aliquo eorum existant. non esse extra decem prædicamēta in promptu est: nam esset aliud prædicamentum præter decem: atque illis prius haberetur. Nam materia prior est hisce, quorum est materia. & nullum genus substantiam præcedit: vt ex prædictis liquet. Rursus si cōtendat ponere materiam in prædicamento substantiæ, tunc materia substantiæ esset materia relationis, quantitatis, qualitatis, actionis, passionis, atque habitus. ex quo sequeretur necessariò id, quod est extra captum intellectus, materiam substantiæ esse post substantiam, sed materiæ priores, ac simpliciores sunt his quæ ex eis componuntur, vt literæ sunt dictione priores. exponemus igitur materias non esse in aliquo genere. At querendum venit, an fieri possit vt sint quicquid vniuersalium omnia comprehendendum, vt vnum: aut ens. Si dicatur huiusmodi materiam omnium esse: respondebimus, hæc nomina, tam simplicibus rebus, quam compositis deberi. ex quo sequeretur, simpliciora non esse compositorum materias, cum enim composita his nominibus appellarentur simpliciorum materiæ forent, præterea, si vnum, atque ens, sint principia decem prædicamentorum: & principia sine his, quorum principia sunt, esse queant: vt punctum sine linea: & vnitas absque numero: & produciens sine ijs, quæ ab eo produciuntur: sequitur ens, & vnum sine prædicamentis esse posse, sed ens & vnum non sunt sine essentia substantiæ, quantitatis, qualitatis, & reliquorum. Nec vnum ens potest duo entia esse, non ergo hoc pacto eadem sunt omnium materiæ. immo impossibile est ita esse. At proportionem quadam nihil prohibet. cum enim principia omnium tria sint, Forma, Materia, atque priuatio: in sensibilibus substantijs, calidum quidem vt forma est, frigidum vero alio modo priuatio. Materia autem id quod hæc potest suscipere, in prædicamento qualitatibus album habet locum formæ nigrum locum priuationis: superficies verò supposita his est. Sic etiam lumen loco formæ, tenebræ loco priuationis habentur, & corpus recipiens lumen vtriusque supponitur. Impossibile est igitur materias dari, quæ communes omnino omnibus sint. at reperiuntur proportionem, & Analogiam quadam. Sed nunc non querimus materiam eorum, quæ sunt. nam eorum principium querere propositum fuit, sanè vterque causa est. Sed principium latius patet, extraneum nanque potest esse vt causa mouens, materię verò nequeunt esse nisi in ijs, quæ ex ipsis sunt. quod igitur materia est, id & principium dicitur. quod verò principium est, materia procul dubio non est. Nam mouens potest esse extra rem motam. At proximam mouens in naturalibus simile est forma. homo nanque hominem generat. in artificialibus verò, quæ mente sunt, forma: aut priuatio. exemplo sit medicina, aut ipsius ignoratio: ædificatoria, aut imperitia eius. Sic quoque multa mouentes, causæ simul, & formæ sunt. Medicina namque sanitas quo-

Paraphrasis Metaph.

dam modo est, quoniam mouens, & edificandi facultas ædium est forma, homo vero generatur ab homine. At nostrum non est nunc proximum mouens inuestigare, sed querimus primum mouens à quo omnia mouentur. Et est manifestum, quòd est substantia; nam est initium substantiæ. at nihil initium est substantiæ, nisi substantia. Cum igitur substantiæ initium sit: principium erit omnium eorum, quæ sunt. cetera nanque entia affectus motusq; substantiæ existunt, vt superius diximus. At queritur de hac substantia, quæ vniuersum hoc corpus mouet, nunquid sit anima, aut intellectus, aut quid aliud ab his diuersum. sed cauti esse debemus, ne accidens aliquod inesse primo principio iudicemus: ex his, inquam, quæ cetera entia necessariò consequuntur. reliquis vero entibus inest potestas, atque actus: & varijs temporibus variantur: neque semper in eodem statu permanent: cuiusmodi sunt generabilia & corruptibilia. in his enim interdum idem est actu interdum potentia, vt vinum est actu cum feruet, atque mouetur, alias verò potentia erat, cum humor, ex quo generatur, adhuc erat in anima vitis. Caro quoque quandoque est actu, quandoque potentia erat in materijs, ex quibus generatur. Nec aliquid significare volumus, cum actum, & potentiam dicimus: quam materiam, atque formam. Forma nanque, si separabilis est, actu est: sic & id quod ex vtrisque constat, separabilis autem, vt lumen, ac tenebræ: si separari ab aere queunt, ex vtroq; vero compositum, vt corpus sanum, & egrotans. Cum materiam dico intelligo id, quod vtrunq; fieri potest, vt corpus, quod quandoq; sanum, quandoq; morbo obnoxium efficitur. Et actus atq; potentia non solum variantur in his, quæ ex materia, & forma constant: sed & quandoq; in his, quorum non est eadem materia: quorumq; forma non eadem est, sed diuersa, vt in earum rerum motoribus. quod quidem mente seruandum puto in questione primæ causæ. Nam aliquæ mouentes causæ forma conuenientes sunt rei motæ: ipsiq; proximæ: quas sequuntur remotiores. proxima causa est, vt pater, sol vero remotior est, sole adhuc remotior est circulus decliuus. quæ quidem causæ sunt non admodum formæ, aut materiæ, aut priuationis, sed motrices sunt: nec conueniunt in forma: neque proximæ sunt vt pater: sed remotiores, & in agendo fortiores. Nam principia proximarum causarum sunt. Amplius dum querimus de prima causa cernere oportet, Causarum alias vniuersales, alias non vniuersales dici posse, vera principia nō sunt vniuersalia, sed singularia, vt hoc singulare initium est huius singularis, & hic homo huius hominis, non vniuersale: quoniam non existit: sed hic est pater huius: & hæc aqua est causa huiusce aque. vniuersale enim, si causa esse dicatur, est causa vniuersalis: vt substantia est causa substantiæ; & quantitas causa quantitatis. At principia, quæ verè principia sunt in singularibus queri debent. nam materia non est absolute materia hominis, sed materia mea est mea materia: & materia tua est tua materia, veluti alia forma tua est, alia mea: non forma vniuersalis, sed singularis; & hoc idem est dicendum de mouente. explanauimus igitur quomodo principia possint esse eadem, & quo modo non. diximus posse eadem esse vero trium modorum, aut vniuersali ratione; aut proportionē, & comparatione quadam: aut propterea quòd principia substantiæ sunt principia omnium. Nam si alia dicantur esse, hoc habent à substantia, & cum cætera ab ipsa substantia sunt, patet quoq; à principijs substantiæ esse. cuncta hæc sunt memoria mandanda. Mox poterimus indagari principium de quo cœpimus differere. Ceterum commodissime ab his initium cœpero, quæ nobis superius tradita, & demonstrata sunt. Substantiæ sunt tres, due naturales,

naturales, tertia vero immobilis, duæ illæ naturales in præcedentibus dilucidatæ sunt plena declaratione. Nunc sermonem habemus de substantia illa, quæ non mouetur, nec vnquam deficit, & in primis quærimus nunquid reperitur substantia: cui tempus non eat comes: neque sit obnoxia alterationi, aut mutationi. Et sæpe diximus hoc principium non posse demonstratione cognosci. demonstratio enim ex principiis & causis constat, prima autem causa, hoc est primum principium, nec causam ante se, nec principium habet. sed quod volumus hoc pacto fortasse consequemur, considerando duo inesse primo principio: vnum quod est æternum: alterum quod est immobile. Separemus igitur hæc, & de vtroque sigillatim disputemus. & primo nunquid detur substantia æterna: postea nunquid aliqua substantia sit immobilis, tunc sic procedendo voti compotes erimus. Nam quæ facere solent infirmiores baiuli; quibus si quod graue fuscipiendū est onus, illud partiuntur, itaq; facillime perferunt: id nos imitabimur in hac nostra persequutione, age vero pergamus. Dico igitur si omnes substantiæ corruptibiles sunt, omnia profecto corruptibilia sunt. Substantiæ namque cetera entia antecedunt; cum verum sit ut à principio dictum est vniuersitatem coherere: stabile namque manere rectissimo processu: & radicem, elementum, & principium partium ipsius substantiam esse: substantia corrupta nihil remanebit eorū, quæ ab ipsa pendent, quæ si quis vel nuper initiatus intueatur: inueniet non posse fieri ut substantia, & cetera, quæ sunt, non habeant perpetuam substantiam, per quam esse suum obtineant. nec mireris inter ea quæ sunt dari substantiam æternam. nam inveniuntur quedam in natura accidentium, quæ æterna, & corruptibilia sunt. talis est motus, talisque tempus est, nam tempus finitimum habetur motui. est enim ipsius mensura, aut nouatum ab ipso, sed ne acutissimum quidem sophistes cogitatione depingere posset motum, & tempus subire ortum, atque interitum. Nam si tempus natium esset ante suipsum ortum fuisset, rursus si caducum diceretur, adesset post suum interitum, ut iam potuit ex auditu naturali. sed illud iterare libet, quoniam oportum est in quæsti nostri explanatione. & in his potissimum, quæ stabilem scientiam præbent primi principij. motus igitur, & tempus, nec oriuntur, nec pereunt: neque hoc in ipsis supponi posse ratio suppeditat. De tempore sat perspicuum est. Nam iniquens fuisse tempus ante se tempus non habens; & futurum tempus, quod non sequatur tempus, verba proferat suas radices perimentia, nam quandoque, olim, aliquando, antea, & postea, appellaciones, & nomina temporis sunt, aut partes, aut definitiones, aut rationes ei coniunctæ. si vero ex his asserere vellet generationem temporis; minime optatum obtinebit: nisi ponat tempus esse priusquam oriatur: pariterque si querit his dictionibus uti, ut occasum temporis monstret, nihil aliud habebit nisi tempus esse post eius interitum. tempore igitur perenni existente, & motus itidem proculdubio est. nam, ut diximus, aut mensura motus tempus est, aut ab eo pendet. De motu ergo scrutandum num æternus, an genitus sit, si genitus iam præcessit motor. at quonam modo licet animo comprehendere motorem æternum esse, à quo motus non semper manet? nihil enim prohibet quo minus indefluat, neque nouatum quippiam esse quod aliquo modo motorem, ad motum excitauerit. nam quid quid sit ab eo fit. nihil eius voluntatem compescit. nihil incitat. neque possumus dicere, prius non poterat mouere, & mox potuit. nam sequeretur eum mutationem subire, & ab aliquo mutari. quod si quis contendat eum impeditum esse, præterquam quod vilipendit, dum alium ab ipso inducit. adhuc eum magis vilipendit,

pendit, cum necessario, hoc impediens sit eo valentius. præterea qui fieri potest ut hæc causa infinito tempore inhibuerit, tandem vero eum absoluerit? hoc autem esse nequit, nisi aut diuersa sit, aut ipsa quoque mutetur, nec se possit eodem modo semper habere. Motor igitur aliquando se abstinere à motu, aliquando moueret. Cum verò nouatio motus non absque motu fiat: motus erit ergo ante motum, nam variare alternare, sistere, sunt motus species, cumq; sectantur. Amplius impossibile est hoc quod motu ciatur non esse corpus quodpiam, quod quidem si ingenitum ponatur, sed post quietem moueri, tunc cogimur caulam dare, qua motum, mutatumve sit de quiete ad motum. Si vero hoc corpus genitum dicatur: motus esset genitus. antequam corpus fuisset ortum, sed nihil absque motu sit. & tunc motum præcederet motus. neque igitur potest motus à quiete nasci. at si ex omnino non ente hoc corpus dicatur fieri, simul erunt principium generationis motus, & principium generationis corporis, cum autem impossibile sit ex omnino non ente quicquam fieri, neque motus poterit à quiete nouari. Cum igitur motus ætherus sit, iam declarauerimus quomodo tempus ad motum se habeat, quæ sequuntur faciliora euadent, sic enim ratiocinando inferemus, si motus æternus sit: & corpus, quod mouetur, ætherum erit, nam si huiusmodi est accidens: multo magis est substantia. Primus vero motus est localis. Secundi autem, & tertij in alijs sunt prædicamentis. & motuum localium alij recti, alij circulares, solus autem circularis motus cōtinuus est. nam alij motus in consistentiam desinunt. si memoria tenes quæ vi demonstrationis in auscultatione naturalis offensa sunt. & continuatio æthernis valde necessaria est. nam quod mutatur, & consistit minime ætherum dici potest: pari ratione tēpus ætherum esse fatendum est. nulla enim pars ipsius eiicitur, ex quo rursus licet excogitare motum continuum esse. ab eo nanque tempus pendet, siquidem igitur motus ille solum qui circulo sit, continens est, solus utiq; ætherus est. proinde necessariò etiam motor istius motus ætherus est. nam quod non est ætherum, ne esse quidem potest causa perēnis motus. cum in cæteris quoque minime detur vilius causam esse nobilioris. satis igitur patet factum est motorem primum ætherum esse. Cum verò hoc pacto sit: mouebit necessariò motu continenti. si enim motor esset, & motus eius non esset continuus, ne ipse quidem ætherno tempore moueret. quod autem hoc impossibile sit liquido pater. nulla ergo prorsus erit utilitas si substantias sempiternas induxerimus, perinde, atque ille, qui formas separatas quiescentes commentum sunt. Ar si naturales sint, ac ætherne prioresq; sensibilibus non decet naturam hanc ociosam supponere, sed potius oportet, ut mutare aut mouere sit potens. Cum verò dico potens, haud inferre volo, quòd à potentia ad actum extrahatur. quinimmo potentiam ab ea remouendam esse cenleo, nec eam puro numerari inter substantias, quæ quandoque actu, quandoque potentia sunt, nam egeret alio initio ipsam de potentia ad actum extrahente: cum fieri nequeat quidpiam potentia existens à se ipso ad actum trahi. Nam id quod potentia est inesse suo imbecille, atque imperfectum est. Et ei perfectio contingit, cum ad actum peruenierit. præterea id quod potentia est, potest ad alterutrum cōtrarietatis extremum se flectere. & si ad vnum flectitur nihil prohibet eum habere proportionem cum altero: Debent igitur ea, quæ sunt vnum habere principium: quod nullam substantiam habeat ante se. Cum sic fuerit, & ætherum: cum eo nō miscbitur materia. nam id cui admiscetur materia in natura sua potentiam habet. At posset aliquis hic obieuiam ire inquiens, nul-

lum potentia existens villo pacto vilius esse eo quod actu est, immo ea quę potentia sunt, ad ea quę actu, tanquam primum ad nouissima se habere, & aliquid ad actum proueniens habere potentiam priorem in esse, neque necesse esse, vt omnis potestas ad actum reducatur. sed hoc tantum in rebus sensibilibus verum est, eę nāq; potestatem, & actum possidentes, potentiā prius habent, simpliciter tamen actum ad potentiā comparantes actum natura priorem inueniēmus, ipse nāq; potentiam extrahit, atq; mouet, q̄ aut potentia precedat actum, sermo est antiquorum Theologorum, qui generabant mundum ex tenebris, & aere, vt dicebat Hesiodus: aut sermo naturalium materiam omnia procedere asseuerantium, particulasq; illas infesctiles, atque infinitas dari contententium, multaq; alia decentium, communis vero error eorum est, quod adferibunt materiam huic honorabili, ac vniuersali principio. nam quomodo materies ipsa mouebitur, nisi adsit aliqua causa præcedens, & mouens eam? nullam enim inuenimus materiam ex se ad formam moueri. at sicut lignum non ex se mouetur ad formam tripodis, sed ab artificis opera: sic & menstruus sanguis: terra quoque ex se nec plantam producit, nec semen vllum. At sol mouet terram, ceteraq; elementa, & semina ad plantam generandam. hinc veritatis vi conuincitur ponentes materiam omnia præcedere, velint, nolint, causam actu existentem adesse fateri, vt Leucippus commiscens sempiternum motum suis illis particulis indiuisibilibus, vt Plato ponens inordinatum motum ante opus Dei. Empedocles licem, & amicitiam, & Anaxagoras iis quę de mente commentus est. Sed par erat eos potius de causa huius ætherni motus verba facere, quiddq; per æthernum intelligat explicare. nullum enim perpetuum motum nisi solum circularem dici posse creditur. solus nanque inter locales motus continuus est, sed nec quenquam dixisse constat quisnam sit primus motus corporum, naturalis inquam an præter naturam. nā quę motu ciuntur, non temere mouentur, sed aut ab intellectu, aut vi mouentur. neq; dicunt quisnam prior sit, naturalis ne, an is qui præter naturam, aut qui ab intellectu manat. magni enim interesse videtur, sed diligentius sententias illorū scrutantes inueniēmus, ipsos ponere primum motum confusum, atque inordinatum. post quem ponunt ordinatum motum cum anima, & orbe, & cum ordine eorum quę sunt, at ratio non patitur vt inordinatum rem ordinatam præcedat. sed videmus spherā omniaq; celestia corpora circulo cieri continuis conuersionibus partim diurni temporis, partim breuis, & reuerti ad punctum, à quo initium sumpserē; & hoc equissimis reuolutionibus, atq; perfectissimis. quod autem habet vnum, continuum, ac vniormē motum iure, & merito causam habere debet: quę comparata cum corporibus motis sit vniormis. si quid vero diuersimode mouetur, causa ipsum diuersimode mouens, eandem rationem cum eo quod mouetur habebit. at nihil inexistēs corporibus generationi corruptioniq; obnoxius, ne ad exiguum quidem tempus durare, atq; eodem modo se habere potest. habent igitur hæc corpora aliquam causam variam sin ipsorum variationem. Cum aut generatio, atque corruptio semper sint: nec vnquam deficient: consentaneum est earum quidē causam variari: continenter tamen perseuerare: ex se quidē necessario hæc causa varia est. continuationem autem accipit, ab alia causa. manat ergo hoc à prima causa. quāuis etiam ab alia causa procedat, quod autem cogit hoc esse à prima causa est, quoniam causa est, tum istius permanentiæ, tum permanentiæ secundę causę. & hac ratione præstantior est, maiorisq; permanentiæ. nam ceteræ causę, nec permanentiam, nec continuatio-

nem habent, perinde atque caula prima, proprium enim secundæ causæ est variare: prima vero perseverare, necessario igitur hæc omnes causæ erunt, tum perseverantia, tum varietatis. & hoc sensus testatur, nemo namque tam cecutiens, & sensus, & mente est, qui non videat, ac intelligat primum orbem circumntem cæteros orbis semper uniformiter cieri: orbis vero errantium stellarum semper motu vario moveri: & vnum alterum præcedere, ita ut inter se sint diuersi: atque omnia quæ generationem, & corruptionem subeunt, ab ipsis recipere motum continuum, & motum varium. Cum itaq; hoc pacto res se habeat, quid nobis alia initia querenda sunt, ut hæc deferamus, cōuertentes nos ad poetas, qui generant omnia ex nocte, & informi chaos, & ut vno verbo dicam, ex eo quod natura potentia est, non actu? Sed hæc missa faciamus: & dicamus dari corpus, quod indefesso motu semper mouetur: hic autem est motus circularis, quod non tantum ratione, sed re etiam, & opere perspicuum est. Cum vero motus non deficiat: corpus, quod eo mouetur, ætherum erit: id autem est primus orbis. Si igitur mobile corpus à motu non vacat, nec motorem à motu vnquam desistere, aut cessare palam est. Iam satis ergo patefecimus primum motorem æternū, sempiternūq; esse durationis, nunc quod immobilis sit explicabimus, idq; repetendo ea quæ iā præfati sumus. si enim quidpiam ex duabus constet rebus: quarum vna sequestrati, & per se stare possit; altera itidem per se manebit: & sequestrabitur, cum igitur detur mobile mouens, & mobile non mouens, necessario datur, & mouens non mobile. hic autem est primus motor impermixtus materiæ: cuiusquam substantia actus est, sed nemo miretur dari mouens immobile. Nam omne desiderabile hoc pacto mouet; & omne intelligibile, cū intelligitur: & ad aliquas functiones mouet; hoc pacto mouet. At cum desiderabilia, & intelligibilia multa sint in nobis, & in aliis animalibus: fieri tamen nequit, ut desiderabile, & intelligibile simul moueant, nā desiderabile desiderium mouet, & manet immotum: tamen eius materia non est in genere intelligibilem. in primis vero principis materiæ impermixtis. idem est desiderabile, atque intelligibile. Porro nos etiam ex his, quæ sunt apud nos, cupimus, & eligimus quæ bona esse videntur. nam quæ eligimus appetimus, quoniam videntur bona neque talia videntur, quia nos ea appetamus. sed tamen nobis multa videri contingit, aliter atq; sint. sed in primo desiderio, atq; in primo desiderio nulla est diuersitas inter id quod videtur, quodq; re vera est, nam idem est, & quod apparet, & quod verè est. quod autem de eo intelligitur est in ratione eius. id autem est ipsum esse bonum. nam re vera est ipsum bonum. initium autem desiderij, est id quod de prima causa intelligitur: eo modo, quo appetitus in nobis initium est imaginatio, & cogitatio, omnisq; intellectus ab intelligibili mouetur: ceu mouetur cogitatio à cogitabili, atque imaginatio ab imaginabili. species verò intelligibiliū plures sunt, cæteris tamen prior est substantia, & inter substantias ea quæ simplicior est, & est actu, absq; potentia miscella; nec cuiuspiam subiicitur nec subiectum vllum habet; sed re vera est natura vna, & simplex, quod autem materiam habet, nec simplex, nec vnum separatim esse potest, at ubi est potentia. ibi multitudo, atq; compositio. cum verò vnum esse dicatur, nō est quidem, ut id quod per vnum significatur: tamen si multiplex sit id quod vñ & simplex dicitur, nam hominem vnum dicimus; gentem vnam: proportionem simplicem; atque elementum simplex. Sed si quis optime veritatem scrutetur, inueniet nomina hæc in rebus omnibus mentiri, præterquam in prima substantia. nam de hac verè dicitur, quod vna sit, & simplex. ne-

que cum

neq; cum eam vnam esse, dicimus quantitatem significamus: vt cū nationem vnam dicimus: digitum vnum: hominem vnum; atque equum vnum. in his nāque aliud est, id quod est, aliud est esse vnum. in natura verò hac Ens, & vnum idem sunt. ita quoque simplex dicitur, non quòd ex ea possit quicquam componi: nec alterius comparatione sic appellatur, sed simplex est sine compositione, & multiplicitate. Et natura hæc non tantum est primus motor rerum: sed est perfectio, & id gratia eius. Nam quod ex se eligibile est, & quod in se summam habet pulchritudinem, & nobilitatem: id & principium, & ex se perfectio existit. Et hoc etiam in lege reperitur. Nam lex administrationem mouet, quæ ab ea est. lex enim sui ipsius gratia, & per se pulchra est, ac eligibilis. nā tunc præstantissimi habentur: iustissimq; dicuntur gubernare administrantes; cum legis normam, & ordinem speculando, perficiunt administrationem, eamq; custodiunt. Hoc tamen interest quod lex non est substantia; sed actio substantiæ: quæ quidem desinit esse: nec manet nisi per terminatum tempus. At primum desiderabile, & primum mouens est substantia impermixta materiæ, sempiternæ durationis, simplex, cuius natura actus est. perinde ac si cogitatione fingeremus legem, cui administratio heret, viuere; & se ipsam intelligere: & intellectu illa, vt re uera mouet, administrationem mouere ad modum rei desideratæ. Ita summus Deus est vigor, lex, causa, norma, & ordo, huius mūdi. estq; intellectus verè, perfecteq; primus. omnis autem operatio quæ ab intellectu manat: sapientia est, atque mens, cum igitur operatio intellectus sit substantia, necessario substantia primæ causæ, sapientia est, atque mens. & ab ea ordo, & rectitudo entium prouenit, & est illa quæ omnia quæ sequuntur appetunt, quædā eminus quædam cominus accedentia ad ipsam, vt etiam accidit in ciuitatum administratione. quidam enim ciues accedunt ad perfectionem, quidam verò remotiores sunt, & simile est desiderium hoc homini iuris peritiam profitentis, eamq; desideranti, vt fm ipsam viuat, omne enim obsequium est voluntarium, electio aut ob amorem est, ac desiderium eius principij, quod profitemur. qui autem dixerit totum in rebus desiderium primæ causæ esse: vt ad eam prope accendant; & qualis ipsa est euadant; is iam metam hac sua consideratione transit: perinde ac si id esse diceret, ceū appetentiam cibi. At res non ita se habet. sed species desiderij multæ sunt, & multa sunt ea quæ amantur. & appetitus alimenti diuersus est ab appetitu rei desiderabilis. similiter etiam sanitatis amor, diuersus est ab amore dignitatis, ac viæ rectæ. Nam cibum appetimus vt ipso impleamur; desiderabile verò: vt id videamus: & ad ipsum accedamus. ita quoque sanitas amatur, vt acquiratur; via autem recta, vt recte agatur. sic exercitus ducem appetit, & ciuitas regem: vt eum imitetur, eiusq; obseruet mores. Manemus igitur in nostro sermone de prima causa: dicimusq; eam immobilem esse: neque mirandum putamus ipsam, cum prima causa sit, substantiam quoq; esse, & intellectum, qui dum se intelligit cetera cum appetunt, vt cognoscāt eum intellectum: qui est ordo, & norma entium; vt homo legi hæret, atque desiderat ex eius perscripto viuere, & præfectus administrationis, rectam assequi gubernandi rationem exoptat. mouet igitur prima causa, vt res desiderata. primum autem, quod ab ea mouetur, & quod propius accedit, magisq; eam desiderat, & ei magis assimilari studet, est primum coelū, & orbis inerrantium stellarum: & quia proximus est ei rectitudinem eius, quam optat perfectiori quo potest modo acquirit. quæadmodum pro rex regis dignitatis est particeps quippe qui regi propinquus sit non loco, sed natura. Post motum autem firmamenti se-

quitur motus planetarum; deinde generabilia, & corruptibilia; & natura ipsa cum multis motibus: qui non modo sunt secundum locum, vt motus diuinorum corporum, sed etiam eiusmodi sunt, vt vniuersam illarum naturam rerum permutet. sequitur ergo maximam varietatem in mobilibus esse; & aliam esse in vno contingitum, ab ea, quæ in altero. Si igitur motus omnia quæ mouentur comprehendit: & contingentia in motu ipso est: & motus partim in loco, partim in qualitate, & substantia, & in huiusmodi, idque variè: non propter hoc in omnibus his tandem contingentiam inuenimus esse. Nam cum corporibus cœlestibus, quæ loco tantum mutantur, varietatem contingere dicimus, nihil aliud dicere volumus, præterquam quòd ea variis adesse locis contingit, non ita tamen vt contingat in loco non esse. Et, cum contingere dicimus, nolumus indicare id quod per hoc ostendi solet: nec modum quēquam, qui ad alterutrum extremorum declinare valeat, sed iudicamus ea in loco non esse, in quo necessario collocentur. nam proprie contingere de hac natura imbecilli, ac confusa dicitur; quam contingentia ingreditur per ostium contrarietatis. Cum ergo meminimus de hac contingentia in corporibus cœlestibus; non asserimus ipsam ad eorum rationem pertinere. ea namque sola prima mutatione quæ in loco est mutantur, absque intrinseca naturæ mutatione. qui autem mouet cœlestes globos hoc motu, quem sæpenumero priorem cæteris mutationibus statuimus, immobilis est omnino, nec transfertur: nec in substantia variari potest, nec alio pacto, generatio enim, & corruptio valde ab eo distant; pariterque motus incrementi, & decrementi; is enim iter est ad interitum. sed & motus localis ab eo remotus est, nam & ipse est vna de corporum mutationibus. at ille solummodo mouet; non mouetur. & id quod primo motu non mouetur, nec alijs mouetur. quamobrem valde distat à contingentia. Necessariò igitur est. Illud vero initium, quod hoc pacto necessarium est, id vere initium est. nam quod non contingit mutari, & non mutari, id necessariò est: & est ens. necessarium autem tribus modis dicitur, primo id quod est coactum, propterea quod est præter voluntatem. secundo id sine quo res non bene se habet, tertio id quod aliter se habere non potest, ex tali necessario cœlum, & natura pendet. In summa autem præstantia degere, quod nobis ad exiguum tempus conceditur, huic substantiæ perpetuo datur. Nostra verò in ea permanens, eò quòd ex variis potentiis cõstet, parum diuturna est, vt viam sapientiæ reperiāmus. intellectus enim noster vt plurimum anxius est, nec otium habet: & quamuis de alijs sollicitus sit, & corpori implicitus; quādoque tamen iis omissis, quæ ipsum ab intellectu avertere possunt, se ipsum sine vllò impedimento paulisper intelligit; ex quo gaudiū consequitur, idque adeo intensum, vt exprimi nequeat. Ille verò, qui à sapientia ne punctum quidem temporis vacat, non habet delectationem acquisitam: sed ipse delectatio est; honorabiliorque cæteris entibus. quòd si apud nos vigilia est suauior somno: quoniam operari suauius est, quàm in otio languere: & sentire, quod sensu non vti: intelligere, quàm ignorare: protrahitur excellentia illius intellectus in gloriam, nec apprehendendi dignitatem infinitam. nam quod actu est in omnibus suauius est eo, quod potestate, idque naturæ magis est cordi, quapropter spes iucundissima habetur, nā optat quod potestate est adiectum reduci. memoria quoque non est potestatis, sed actus. Cum igitur id quod potentiam, & actum habet, suam in actu oblectationem consequatur, quam nam habebit proportionem lætitiæ eius, quod actu solummodo est, & omni potentia caret, dum operatur seque intelligit? Visus quoque cum nobilissimum,

simum, & pulcherrimum omnium colorum cernit letatur, intensesq; gaudet. sic & palatus cum præstatiorem & suaviorem saporum gustauerit. Iridem auditus iucundiorē cæteris sonum percipiens. ita quoque intellectus valde letatur cū omnium intelligibilium nobilissimum intelligit. nobilissimum verò omnium intelligibilium illud est, quod intelligit se, suamq; essentiam absq; molestia, ac impedimento, vllāque sensuum intermissione; vt intelligibilia, quæ mente formantur, à sensibilibus seiuncta. Cuius verò natura, intelligibilis est id materiæ impermixtum, ac immutabile est, & existit quia intelligit, atque intelligitur: & initium suæ intellectiōis est ipsemet; immo idem est. nam si non esset hoc pacto, non esset ex sua natura intelligibile. sed natura intelligibile est; & hæc est ratio intellectus diuini, qui præstantissimus est. neque his membris diuiditur. sed vtrunque simul inest naturæ eius, quod intelligit inquam, & quod intelligitur, nec gratia nostri intelligibilis dicitur, sed gratia sui ipsius. & vt cæteros intellectus antecellit: ita inter cætera intelligibilia excellit. & sicut est intellectus perfectissimus; ita est intelligibile verissimum. Cum autem intelligit intellectio eius est actus eius, & cum est in actu intellectiōis, tunc simul est intellectus, & intelligibile. Ab eo manant omnia. Vestit omnia, non eo tamen modo, quo corpora se mutuo tangunt, vltima tantum superficie. sed eo modo, quo ea, quæ contemperantur; quorum vnus totum, alterius totum, contingit. hoc pacto intellectus est omnium vestimentum; & ab eo omnia manant; & intellectus, atque intelligibile est, proinde sicut sensus non est idem quod sensibile: quandoquidem imprimatur species eius, substantia autem manet extra; haud ita sanè se habet intellectus ad intelligibilia, quæ per se insunt ei; immo ipse fert omnes formas. nec vlla substantia foris remanet, quæ misceatur materiæ. ibi enim nō est materia: sed sola forma sine materia; quæ consequitur intelligentem eam: cum neque diuidatur: neq; pars à parte rescindatur; vt sensilia apud sensum. sed in intellectu firmatur. In summa ipse intellectus est, & intelligibilis, vt ita sæpe diximus, nec similis est in intellectu nostro, qui labente tempore ab vna re ad aliam trāsatus intelligit: & modo cognoscit ea, qua non nouit prius, & hoc ei cōtingit, quia multum potentiam secum adnexam habet. huiusmodi inquam non est intellectus ille diuinus, & primus; sed intelligit ea, quæ penes se habet intelligibilia, per eorū assumptionem. Et, vt summarim dicam, illa idem quod ipsemet sunt, quoniam ipse est sua intelligibilia, & ipse non intelligit ea transferens se, & in ea deambulās, vt facit intellectus noster. At omnia in instanti intelligit. proinde palam est ipsum intelligere omnia quæ sunt, eo modo quo sunt percipere; & eo modo quo ipse posuit ea entia esse, omnia verò apud eum simul sunt. omnia igitur necessariò intelligit, quod si nihil mirum est intellectum nostrum id esse, quod ipse intelligit, eo magis hoc suspicandum est de primo intellectu. nam intellectus noster diuinus est; quia assimilatur intellectui diuino. si igitur perfectam delectationem, atque dignitatem per cognitionem assequimur: id magis erit in prima causa. nā cernit se in summa dignitate; & se intelligit absque adminiculo externæ naturæ. immo eam naturam, quæ requiritur in se habet. quod autem est in eius opere iucundissimum: neq; id vnquam defecturum est: neque is ei similis est, cui deest aliquid, & quidpiam molitur, vt finem suum attingat ex re quam non habet. nam hæc omnia accidentia sunt, atque nouationes; quæ intellectu nostro contingunt. sed hic ipse est res iucundissima, veluti quoque ipse est res præstantissima. si igitur Deus semper sic se habet, vt aliquādo nos, admirabile quidem est: sin melius admirabile magis pro-

fecto est, & perspicuum est, quòd separatus, ac simplex est, nec ipsum sensus dirimunt, aut accidentia, & intelligit omnia, quæ sunt, non in eo quod declinant ab eius natura, vel sunt ipsi operationes extraneæ: immo ipse ea producit: & ipsa id sunt, quod ipse. Nam Deus est lex, & ratio, causaq; rectitudinis entium, atque eorundem ordo est, nec est lex: vt hæc quæ in libris ponitur. Sed lex viuæ, perinde ac si cogitatione depingere posses legem animatam esse: seq; intelligere posse, vt si Lycurgus legislator adhuc viueret: & assisteret legi, quam tulit, cognoscens administratione, cuius ipse auctor est: & in se ipso intelligeret, Reges, duces, & milites: quo cum adnexa esset talis cognitio funiculo inextricabili. At Lycurgus ex natura sua decessit: & administratio, quâquam produxit, periit: at si lex, & legislator perpetuam vitam viuerent. administratio itidem continuæ esset permanenti. Enimuero vita huius legislatoris non solum continua est; initio ac fine caret: sed etiam præstantissima est. præstantissima enim vita mens est, & honorabilior est omni vitam habente. Nec quandoque uiuit, quandoque non: nec diuersimode uiuit, perinde atque nos. Sed ipse est vita, quoniam est actus: & actus est vita, & eius perfectio honorabilior est cæteris operationibus, & sic est continua, perpetuâq; vita. Dicamus igitur Deum esse vitam æthernam, continuam, ac perfectissimam. Quare Deo vita æuumq; continuum perpetuum, & immortale est, nec nos quicquam aliud habemus quod dicamus: Nisi quòd Deus vita est, & continuum æuum. At iam aliqui sunt opinati præstantiam, ac pulchritudinem reperi non posse in initio rei, vt secta Pythagoreorum, & Leucippus cõmenti sunt. Nam inquirunt: principia animalium, & plantarum sunt causa vt sint, pulchritudo autem, ac perfectio non est in femine, nisi cum iam perfectum fuerit, & ad maturitatem peruenerit. At non ita est vt opinantur. Nā utilitatem iam habent à radicibus. in eo vero quod simul habet actum, & potentiam, priorem potentiam esse fatendum est. simpliciter tamen actus potentiam præcedit; vt homo prior est semine hominis. Esse igitur substantiam quandam æthernam, & immobilem, atque à sensibus non loco sed natura separatam ex hisce, quæ iam dicta sunt, patet. Demonstratum est etiam hanc substantiam non esse corpus, nec magnitudinem vllam habere posse, neque incipere, neque desinere, sed infinito tempore mouere. Non dari autem magnitudinem finitam potestatem habentem; qua in infinitum moueat: iam expositum est in sermonibus nostris naturalibus. Nam omnis magnitudo, aut est finita; aut infinita, vanum autem est dicere infinitam dari, sed nullum finitum decet habere potentias infinitas, eò minus si illud, quæ corpus est, ab ipsis moueatur. nam qui solem dicit, & cætera alia finita esse, tamen potestates habere infinitas; in sufficiens utiq; in sermone suo est, quoniam virtus infinita, quæ existit in stellis, non inrita est eis à natura, quatenus corpora sunt: sed aut à prima causa manat; aut anima, quæ est in eis, prouenit ab illa virtute, quæ corpori non inest, prima nanque causa ea infinito tempore circumfert, quod si hoc potestate haberent vt habent corpus, & magnitudo, nec perseverassent in actu: & fatigarètur proculdubio; & quiete egerent. Nam stellarum corpora ob inritam potestatem vigorem habent finitum. diuersis enim temporibus in alio, & alio loco sunt, hæc autem loca quasi motuum termini sunt. impossibile nâque est potentiam, quam sequatur actus; quem ipsa appetat, finem, ac terminum non habere, sed causa, quæ est potentia expers, & actus continuus, & inuariabilis est, quomodo habere potest magnitudinem, & corpus; vt habent hæc in quibus potentia continuo cernitur, siue sint corruptioni obnoxia, siue non?

siue non? In summa actus separatus ex se ipso potest perpetuari in infinitum cum temporis continuatione. Actus verò proueniens ab eo, quod est potentia, supplementum rei in potentia est, nec animo comprehendere licet, hunc actum infinito tempore durare, iam enim præcessit eum potentia. Necessario igitur virtus, quæ stellæ mouet, infinita est. stellæ namque non acquirunt hanc virtutem per id quod potentia est. motus verò earum in tali, & tali loco finitus est. quoniam hoc modo stellis inest potentia, latere autem non debet vtrum substantia huiusmodi, quæ magnitudinem non habet, expersq; materiæ est, vna sit ponenda, an plures. Nam antiqui nihil certi dilucidius tractarunt de immaterialium, immutabiliumq; substantiarum multitudine. qui enim formas inducere inquirunt, formas immateriales esse substantias, atque immobiles. nihil tamen aiunt de eorum numero, & reliquere rem dubiam admodum numerorum, quarum additamentum nescitur. Nam Ideas numeros inquirunt esse: atque de numeris interdum, vt infinitis: interdum vt vsq; ad denarium definitis loquuntur. Nobis autem est dicendum ex hisce, quæ supposita sunt, atque determinata, principium vnum esse impermixtum materiæ, incorporeum, primo motu continenter, & perpetuo mouens, omnis motionis, atque mutationis immune. quod autem aliæ sunt substantiæ post hoc primum exordium, quæ hoc pacto sint id inuenitur ex ratiocinatione, & sensus attestatur. nam omne quod mouetur à motore mouetur. Sed causa prima immobilis est, tū per se, tum per accidens. Substantiæ verò sequentium corporum motrices, necessario multæ sunt pro numero corporum quæ mouentur ab eis. & hæc quidem per se immobiles sunt, per accidens tamen mouentur, perinde atque anima. Nec tātum immobiles sunt sed & perpetuæ. natura namq; stellarum perpetua est. id igitur quod eas mouet perpetuum esse debet, est enim ante substantiam, & substantia necessario est. multitudinem autem virtutum ex Astrologia, quæ Philosophiæ familiarissima est, accipere oportet. hæc enim de numero motuum quibus vnaquæque errantium stellarum mouetur contemplationem facit. numerumq; orbium eas deferentium exprimit: & inuenit. Numerus vero orbium deferentium stellæ diuersus habetur apud Calippum: ab eo qui est apud Eudoxum, sed hæc breuiter, & summatim à nobis explicanda sunt. illud enim tantum volumus: vt virtutes mouentes tot sint; quot sunt corpora, quæ mouentur: & earum alia prima sit, alia secunda: secundum ordinem quem habent orbes inter se, ita vt non solum ordine, sed & essentia, atq; substantia differant. ordine nanque inferiores minus nobiles sunt, & hac ratione primum habent, ac secundum gradum. iccirco necessario diuersitatem in substantiis obtinent. familiarem autem philosophiæ Astrologiam esse dixi, quoniam hæc sola de substantia sensibili perpetua sermone facit. Reliquæ vero Mathematicæ accidentia corporea contemplantur, vt Geometria quantitatem continuam. Arithmetica discretam. Astrologia vero mediocriter erudito pater vnamquæque vagantium stellarum pluribus motibus ferri; & quolibet corpus moueri manifestè cernitur. At quis numerus motuum planetarum nunc quidem nos dicemus, ea comprehensionis gratia referentes, quæ Mathematicorum nonnulli dicunt, vt mente percipiat, & possit intellectu formari numerus certus ac determinatus. Alias vero partim querendo, partim ab inquirentibus sciscitando siquid præstantius inuenimus: quàm numerus motuum qui hæc hæctenus scrutari, contemplariq; sunt; omnia in medium afferemus. & par erit, vt fides adhibeatur ille, qui certiores fecerit inquisitionem. Dico igitur Eudoxum lationem veriusq; solis, inquam, ac lunæ; in tribus

tribus esse sphaëris posuisse. quarum primam causam esse dicebat, quæ non vagantium est stellarum; secundum verò per eum circulum, qui per media signa transit. tertiam per eum, qui est obliquus in latitudine ipsorum signorum. in latitudine autem maiore circulum eum esse obliquum, per quem luna; vel eum: per quem sol fertur. Vagantium vero stellarum vniuscuiusque lationem in quatuor sphaëris esse ponebat. Atque harum primam quidem, & secundam eandem, quam ille rationem subire. Nam & eam quæ & non vagantium est stellarum, quæ omnes defert, & eam quæ sub hac collocatur, atque per medium circulum, qui per media signa lationem habet, communem omnibus esse. tertiæ vero omnium in eo circulo polos esse, qui per media signa transit. At quartæ lationem per obliquum ad medium circulum huius esse. tertiæ vero sphaëræ polos cæterarum quidem stellarum proprios. Veneris autem, atque Mercurij eandem esse ponebat. At Callippus positionem quidem sphaërarum eandem, quam & Eudoxus ponebat, idest ordinem distantiarum. Altitudinem verò stellæ quidem Iouis, atque Saturni, eandem quam & ille tribuebat. Soli autem atque Lunæ duas insuper Sphaëras addendas esse censebat, si quispiam ea quæ apparent debeat assignare. reliquarum vero vagarum vnicuique vnam. Quòd si debeant omnes compositæ ea quæ videntur reddere in vnaquaque stellarum vagantium alias sphaëras vna pauciores esse, quæ reuoluunt, idemque restituant positione primam sphaëram eius stellæ semper, quæ sub ipsa est collocata, necesse est. hoc enim pacto duntaxat vagarum latio stellarum omnia facere potest. Cum igitur hæc sphaëre, in quibus ipsæ ferantur, aliæ sint octo, aliæ vngintiquinque. Harum autem has solas reuolui non oporteat, in quibus infima collocata stella defertur. ea quidē, quæ primarum stellarum duarum sphaëras reuoluunt, sex erunt. hæc vero, quæ posteriorum quatuor stellarum sphaëras reuoluunt, sexdecim erunt. omnes igitur sphaëre deferentes, & reuoluentes eas quinque erunt, & quinquaginta. quod si lune, soliue quispiam eos non addiderit, quos diximus motus omnes sphaëræ, quadraginta erunt, & septem. Multitudo igitur sphaërarum sit huiusmodi. quare, & substantias ipsas, & principia mouentia immobilia, atque etiam sensibilia tot esse existimare consentaneum est rationi. Numerus enim motuum secundum sphaërarum necessarius debet esse. sic & numerus mouentium secundum numerum motuum, & hæc nobis sufficiant. etenim non est nostrum diiudicare an is sit motuum numerus, an alius. iudicium vero necessarium iis omittatur, qui accuratius de his differere possunt. quòd autem fieri non potuit ut vlla sit latio, quæ non ad lationem stellæ conducatur; nulla; præterea natura, aut substantia diuina otiosa esse possit: hinc cõstat. nulla enim huiusmodi substantia cum per propriam definatur operationem poterit ordinari ad summum dignitatis gradum: qui est consequi perfectionem continuæ vitæ. Nullum igitur erit aliud corpus mobile præter hæc corpora, substantiæ ergo totidem esse debet. Nam si essent alij motus, alia etiam corpora mota essent, at non sunt alia corpora præter hæc. nec igitur sunt alij motus; nec aliæ mouentes causæ præter has. nam omne quod defertur, est eius gratia quod defert, & omnis latio cuiuspiam est quod fertur. Nulla latio sane, aut sui gratia, aut per lationem aliam erit. natura enim abhorret nimis in casum, ac in infinitum progredi, dari autem lationem gratia sui vanum esset. in infinitum verò profectio esset si per aliam lationem esset. Cum autem hoc ita sit, quod reliquum est quæramus oportet. Dicemus igitur mundum esse vnum. nam si plures sint sub vna specie perinde atque homines,

homines, vnumquodq; principium specie quidem vnum erit: numero autem plura. At iis, quorum forma eadem est, numero verò multa, discriminis ratio materia est, atque elementum. Vna enim est, ratio eademq; omnium hominum. Discrimen vero inter Socratem, & Platonē ex materia manat. At prima forma, primusq; motor immaterialis est, & incorporeus, id ergo, quod continenter mouetur, vnum est duntaxat. nec solus mundus est vnus: vt in his quæ de natura tradidimus pater; cum extra se, neque graue vllum, neq; leue corpus habeat: sed etiam causa mouens vna est. At quia cogimur fateri principia motuum plura esse non posse, vt constat ex demonstratione certa, quæ ex naturalibus sumptam est, principalissimum est naturam primam vnam esse, stabilemq; in omnibus sphaeris, quæ quidem dilectio est, eo modo quo lex vna in ciuitatum gubernatione: aut rex vnus est. hoc autem est, cum tota societas mouetur, vt imitetur legem illam: vt sepe diximus: cum dilectio adest, hoc est: cum propter administrationem, cui obsequuntur regem, cuiusque imperium amant. inuenimus enim, & in administratione, quæ est apud nos, cum dilectam principium vnum in omnibus esse. id autem est rex, aut lex. quòd igitur societas exequatur mandatum regis: id non erit ex opere vnus duntaxat eorum. Sed alij sunt potestatis administri: alij serui: alij inter vtrosq;: alij milites, alij tibicines, militum autem alij equites: alij pedites, hiq; vel hastati, vel sagittarij. Ita varie sunt operationes, & vitæ: motus quoque diuersi: & quandoq; contrarij, omnes tamen rem vnam perficere conantur. omnesq; vnum appetunt, vt dilectum. id autem est vt perueniant ad id, quod præceptum, atque ordinatum est ab ipso rege, & hoc vnum est, & immobile magnitudinem non habens. cum illis verò comparatum multiplex est. nam motus plures sunt, operationesq; multe, & substantiæ consequentes illas operationes multæ itidem sunt. at ipse est communis omnibus. impossibileq; esset ipsum ab omnibus desiderari: nisi formæ propriæ cuiuslibet eorum, ac propriæ operationes ab eo penderent. Nos autem vera prædicasse, dum diceremus dari substantias primas mouentes mundum, ac cœlestia corpora; esseq; vt bonorum coadunationem; id ostendit, quod accepimus ab antiquis. ipsi enim attestantur quòd sunt. Nam fabulæ reliquerunt modo in prima Philosophia hæc corpora Deos esse; & ipsum diuinum corpus totam continere naturam: reliqua vero allata sunt ad persuasionem vulgi, atque ad vsum legum, vitæq; humanæ utilitatem. Nam his diis formam tribuunt similem quibusdam animalibus, cuiusmodi sunt. Aries, Pisces, ac Leo: quos ita vocant, aut secundum virtutes, quas habere putant; aut ob operationem eorum; vel quia similes sint his animalibus. Hoc autem vnum, & primum habemus, quod antiqui opinabantur substantias illas primas motrices diuinas esse, vt est quali manus traditum. quem quidem sermonem diuinum esse inueni. At quia diximus primā causam esse mentem: Impossibile enim est meliorem ei vitam attribuere: scrutandum est quonam modo se habens ipsa talis sit. nam quædam difficultates insunt, & in primis queritur: cum mens sit; intelligat necne; an sicuti sapiens cū dormit scientia non vitur: ita intellectus primus habeat naturam hanc, neque intelligat, neque agat. sed hoc risu dignum est. etenim se nihil intelligit, nec quicquam operatur, quidnam ipse excellens? quid egregium erit, se quasi sopore correptus omnia moueat, omniaq; sibi inclinet, eo modo, quo corpora à dilectis mouentur, dilectis ipsis dormientibus? Dicere autem primam causam omnia mouentē, à qua omnia, quæ sunt dependent, ociosam esse; vacareq; ob opere sibi conueniente: est perimere principium

principium vitæ, fontemq; eius exsiccare, manifestū igitur proculdubio est, quod intelligit; atque intelligendo operatur; cum sit intellectus. quæramus modo quæ sit eius operatio. Non euadet enim quin sit operatio hæc, aut sese intelligere, aut aliud quodpiam. Si quodpiam aliud; aut idem semper, aut aliud, atque aliud intelligit. at si quid aliud extra suiipsius substantiam, vt visus colores videt, qui sunt extra naturam suam, & auditus sonos audit, sic & illud, quod intelligit non sit in ipso: id erit causa operationis eius: vt res visa mouet vñlum ad videndum; auditq; auditum, non est ergo quæ illius est substantia intellectio sine eo principio; sed potentiam habet ad intelligendum aliud intelligibile, non est igitur substantia optima, per intellectiōnem enim, & quia intelligit præstabilitas ipsi nimirum competit, & inest. Rursus si aliud quodpiam intelligit extra sui naturam: id erit eo præstantius, atque excellentius. est enim in causa vt intelligat. Vt ergo visus est gratia colorum, vt eos cognoscat, & auditus propter sonos. ita intellectus intelligibilis gratia erit. sed omne quod est alicuius gratia ignobilius est eo, cuius gratia existit. erit igitur intellectus potentia. continuatio igitur intellectiōnis ipsi laboriosa erit; vt visui contingit ob visibilibus frequentiam, audituiq; ob frequentiam sonorum, in his enim, quæ de potentia ad actum extrahuntur, & lassitudo contingit, & imbecillitas, iccirco necessarius fuit somnus animalibus omnibus. præterea si intelligit quodpiam aliud; aut illud intelligit vt excellens, vt pulchrum, atque bonum, aut vt vile. sed perspicuum est circa vilia versari vilissimum esse; præsertim in intelligentibus formam rei intellectæ præcedentibus: ex quibus vñum, & idem fit cum eo quod intelligitur. sed absint omnia opera vilia ab eo, & dicamus eum intelligere res, prout præstantissimo, eminentissimq; conuenie: nec mutari: ad deterius enim esset ipla mutatio: atque ad ipsum, iam motio quædam esset. In summa, si præstantia eius ex intellectuone esset, & eam ab ignobilibus acquireret, intellectio eius esset quidem intellectio, sed vilissimarum rerum: & dignitas quam ex intellectuone accepit itidem ab ignobilibus esset. sed cum hoc vitari debeat: rectius est cum non videre hæc: quàm videre, patet igitur non tantum intelligere, sed id etiam quod diuinissimum, omniumq; præstantissimum intelligere. At turpe absurdumque est, ponere substantiam talem ante se honorabilius quodpiam habere. sed, hoc dato: dicamus ne id, quod ab excelso intelligitur, continenter vñum, & idem esse: an multa? quòd si plura: intelligit ne omnia simul; an ab vno ad aliud transit, vñum delinquens, & alterum suscipiens? sed hæc omnia abundant absurdis. Nam si vñum, & idem assidue intelligit, aut ex hoc intellectus eius perficitur: aut non, si perficitur: est ergo manens. si non perficitur, proculdubio non intelligit illud, quòd si multa sint, quæ ab eo intelliguntur: eaq; ab vno ad aliud tendens intelligat: indigebit memoria: & acquirere dicetur rem quam non habebat prius, quod si ea momento intelligit: tunc quæstio reuertitur quæ quærebatur, an vñum intelligibile perficiat intellectum suum. præterea impossibile est in natura omnia simul intelligi. in quibusdam fieri sanè potest, in omnibus vero minime. iccirco ob hæc inconuenientia à sermone illo abstinendum est. At intellectus primus semper omnia intelligit, ea autem multa sunt. sed intellectio eius vñius rei tantummodo est. & hæc res in summa existit excellentia, atque dignitate. ipsemet autem est illa res: quæ in summo est, proinde sese intelligit. quapropter non contingit ipsum laborare, nam aliud non intendit, nec alium finem habet à seipso.

neque

neque etiam exhibet è potentia ad actum, quem lassitudo sequatur. sed, vt quilibet homo seipsum diligit, ita se habet; qui se intelligit, dum intelligit se: & sicut diligens animam suam in ea est, & amat eam. sic quoque quod intelligitur, & seipsum intelligit: idem est cum eo, quod intelligit, ac primus intellectus principium est omnium eorum, quæ sunt: quæ quidem ab eo cognoscuntur. & eius intelligere non est, vt transitus: ita vt hoc quidem relinquat; illud vero accipiat. sed ea simul omnia apprehendit. intellectus vero noster ob imbecillitatem nequit multa simul facile intelligere; nec potest ad multa simul intendere. quemadmodum debile corpus nequit multa comportare, sed vbi ea separauerit leuius fert, sic debiles virtutes plures simul colores videre non patitur. firmior vero multos simul percipere poterit, ac diuinus intellectus eo quia summe perfectus dum intelligit tempus non requirit. sed simul omnia affatim intelligit, vt oculus acuti visus, qui multa simul cernit. longe tamen melius primus intellectus omnia intelligibilia simul intelligit, cum se ipsum intelligit, nec perfectio, scientiaq; ipsius in tempore est. nam omnia temporis spatia antecellit, tempus enim est mensura motus: ille vero minime fertur; sed immobilis est. Et sicut tu cum Cytharam pulsas, omnes quidem chordas pulsare nequis. si verò Cythara animal esset; acutum simul, atque grauem sonum ederet: ita Deus multa simul complectitur, multa facillime diuidit. præterea anima currenti non potest multa membra simul mouere; vtrunq; manum: vtrunq; pedem; ac caput? at quoduis horum membrorum simul totum, non partem post partem mouet. quid igitur obstat. ne hic intellectus, à quo nullus locus in vniuerso vacuus est: quique totum modum mouere potest; intelligant omnia: cum admirabilis sit plura simul mouere? Non est igitur neganda multitudo diuitiarum virtutis diuinæ, nec ille comparandus est cum intellectu nostro imbecilli. in cognitione enim non eget transitu per singula nec compositione indiget, nec ab ignorantia ad scientiam transit. nec oportet, vt inferat conclusiones ex præmissis manifestis. quin immo sicut acutus visus non requirit tempus in colorum apprehensione, sed cum accedit ad eos, omnes sine mora cernit; sic diuinus intellectus, & eo valde magis intelligit mundum intelligibilem non tempore, & absque labore. Quod si imensam aciem intellectus diuini attingere cupis; intellectum hominis, cuiusque corpus considerare oportet: & sicut hic intellectus magis apprehendit, atque cognoscit, & velocius mouetur, citiusque operatur, quam hoc corpus, ita promptiorem intellectum diuinum esse ad intelligibilia intelligenda credere debes. quod si differentiam hanc, quæ inextollentia, facilitateq; intellectionis existit, ad facilitatem causæ mundi transferas, non procul eris à syllogismo necessario. Si verò syllogismum in figura constituas, vt Mathematici solent, hoc pacto inquiring; sicut hoc corpus splendidius est hoc corpore: ita hic intellectus splendidior est hoc intellectu: tunc nemo miretur si multa simul percipere, & intelligere potest. Neque etiam mirum est principium hoc à se ipso intellectionem habere. nam cum cogitamus intellectum diuinum, nullatenus assimilari materię: & esse causam motus spheræ: sicut ipsa nullo modo quiescit vnquam sic nec dici potest Deum ab operatoribus suis vnquam desinere. Cum autem concedamus dari corpus cui intellectus continenter assistat, quid impedimento erit intellectui ex se ipso actui, atque intellectionem habenti? ex his igitur perspicuum sit Deum esse primum principium: sed intelligere: & omnia simul, quo-

rum ipse principium est. Nam cum seipsum in sui ditione teneat: itidem quæcunque etiam per cum existunt ad suam ditionem redigit, illud quoque verum est, ipsum vigere, sed; intelligere. hoc enim ceteris honorabilius est, atque excellentius. Atqui scientia semper alicuius esse videtur: nempe scibilis, & sensus sensibilis, sic & opinio, atque intellectus, sed intelligibilia per suam substantiam apprehenduntur, vñ cum cognitione apprehensionis, quippe homo albedinem apprehendens, iam animo concepit se albedinem percepisse, pariterque cum intelligit angulos trianguli. æquales esse duobus angulis rectis: immo quoque percipit hoc intellexisse. Dicimus igitur scibile, ac scientiam in aliquibus idem esse; sicut etiam intelligibile, & intellectum. Nam scientiæ expertes materiæ, sunt rationes, & intellectus, ita vt id quod intelligitur, aliud non sit; nec segregantur ratione quantitatis, aut mensuræ; sed forma intelligibilis, & intellectus sunt simul; estque vnus intellectus, qui ad se conuertitur, & vtrunque simul dicitur intellectum esse, atque intelligibile. nam intellectus, qui vnus est, non transit à re intellecta ad aliud, quod sit à natura sua alienum, sed ad se conuertitur. vñq; id quod ex ambobus constat. At profecto vnus est sine materia, vt in effectricibus artibus. cum enim materiam ab arte rescindimus: nil aliud remanet, quàm artis forma, atque operatio ipsius; vt Scamnum nil aliud est quàm ars fabrilignarij: & sanitas sine corpore nil aliud est, quàm medendi ars. Cum igitur possit in materialibus cognosci formam artis, & artem idem esse, nihil prohibet in iis, quæ impermixta sunt materiæ, quæ neque partes habent, nec copulantur: nihil inquam prohibet, quin intellectus, & quod intelligitur, & intellectus idem sint. Ex hoc igitur sermone optime percepto palam est intellectum primum intelligere mundum. Cum enim intelligit sese: intelligit, quid ipse sit: & intelligit se esse causam, & principium rerum. sed principium de forma dicitur; & de eo gratia cuius: & de eo quod est principium motus, cuiusmodi est hominis intellectus; eius enim principium esse tripliciter dicitur, nam sæpenumero hi tres modi quibus principium dicitur in vnum coeunt: vt patet de homines anima. quod si Deus intelligit se esse formam omnium, ipse quoque est principium rectitudinis entium: atque eorundem ordo. & dubio procul simul comprehendit ea, quorum rectitudinis principium est, & quorum est ordo. At considerandum etiam est nunquid bonum, & quod præstantissimum est differant. vtrum separatim quoddam vnumquodque eorum ab alio, & per se ipsum sit. Sed differentia inter vtrunque in ordine consistit. Deus vero inuisibilis continet ea perinde atque in exercitu. Nam bonum quoque exercitus in ordine, atque æqualitate consistit. Ita, & cuiuslibet regionum, sed magis in duce. homo enim ille insignitus, non est propter ordinem, & æqualitatem: immò ordo, atque æqualitas ob ipsum sunt. bonum igitur non est temerè, sed secundum ordinem. & in eis est ordinatum, & rectè; non casu: nec sine intellectus vicinia disponuntur. à Deo enim mouentur res vt homines præstantes mouentur ab illo, qui præcepit eis ciuitatis administrationem: & eo modo, quo rex societati imparat. & ordo, & æquabilitas, quorum Deum esse causam asseueramus talis est: vt mox explicabimus. Dico igitur quòd vniuersa sunt aliquo modo, sed non similiter, ordinata, natantia, volantia, plantæ, & non ita se habent, vt vnum ad alterum nullo modo referatur, sed inuicem referuntur. nā ad vnum quidem vniuersa sint ordinata. sed perinde atque in domo liberis minime licet quoduis

quoduis facere, serui autem, & bellarum pauca sanè, parumq; ad totum conferentia faciunt, pleraque ex accidenti agunt. natura namque cuiusque ipsorum tale principium est, sic igitur & in mundo est, nempe circulatio stellarum, & certa ipsarum dispositio, & cœlestia corpora talia sunt, ut in ijs nihil indeterminati habeatur, animalia vero quæ sunt in terris, & plantæ vtilitatem vniuersalem per exiguum præbent. Sed quodlibet horum, ut plurimum temerè operatur, atque patitur, quoniam corrumpitur: & corruptio quidem vnus, ut aliud generetur; & nutritio eius, quod alimento eget; & pullulatio rei, eiusdemq; ad statum deductio: & tandem decrementum; & quæcunque huiusmodi; sunt vtilitates vniuersales, quod autem calce petat asellus, & ictu noceat serpens: quodd; vas aqua plenum iuxta plantam à sue dispergatur, nullo ordine, nullaq; contingit norma. Et hoc rectius est, quàm Deum materię contemperare, aliaq; cum ipso ponere. At quæramus adhuc alia quædam, quæ nec ordinem, nec æqualitatem habere putamus: & vilia ignobiliq; sunt, & possumus hoc assequi: cum natura rerum necessario ita se habeat: ut mundus eiusq; gubernatio sit similis gubernationi ciuitatis; in qua regium mandatum procedit meliori quo potest modo. nam quemadmodum, si quando mandatur aliquid hominibus huiusce ciuitatis, non procedit regium mandatum æqualiter secundum quamq; ipsius ciuitatis partium; nec omnes pari modo subeunt mandatum illud: nam alios primates statuit; alios primatibus præficit; alios ipsis seruire iubet; alios vilioribus operationibus. quibus administratio expletur, addicet: alij propius accedunt ad regem in ordine regio; alij longius distant: sic quoque mundus, eiusque procuratio ciuitati similis est, in qua rex vnus regnat, & eius partes inuicem sunt ordinatæ, atque æqualitatem habent, sic animalia sunt. sic plantæ, & hoc ostēdit omnium generationem esse ob vnā causā, quoniam omnia appetunt. hoc modo esse, quo nunc existunt. nam appetunt, & desiderant, id quod vere est. & hoc vnum imitantur; & peculiariter quærunt, & ad id accedunt, nec vllum eorum, quæ sunt, in plura diuidi vellet: nec exire ab eo, quod nunc est ad contrarium, & id quoque quod ex multis generatur quærit vnum; & ad vnum accedit. Ita ciuitas cum multitudo sit ad vnum intendit, & exercitus ad id intendit, quod videtur duci, & conuentus ad principem conuertit animum, sic etiam artis operatio se habet in his quæ ex multis componuntur: cuiusmodi sunt domus, & nauis. Nam vtraq; hatum, dum efficitur, in hoc esse habet, quod plura sunt vnum appetentia. Rex verò appetit multos homines in vnum congregare. Nec latere debet, neminem antiquorum quicquam opportunum asseuerasse de primo principio quod quidē verè primum est; sed manere duntaxat in principio materię permixto. omnes enim ex contrariis omnia faciunt. At duplici modo peccant, non omnium namque est generatio, nam quæ in mundo excelsa sunt, generationem non habent, nec omnium generatio ex contrariis est. Pati namque à se mutuo contraria nequeunt, & ut sæpe diximus, requiritur materia. At quidam alterum contrariorum materiam faciunt, ut hi qui in æquale æquali, aut vni multa, supponunt. id autem ea ratione soluitur; propterea quod materies, quæ vna est, minime contraria est his, quæ generantur ex ea. & nouatur forma rerum ex priuatione inexistente ei, & ex eo quod informe est. Alij vero principia diuidunt in bonum atq; malum; & malum in materia ponunt; bonum autem in forma: materiam verò omnibus subiectam ponunt; & ipsum bonum primum formam dicunt. nam notum est apud omnes bonum

num esse formam primi principij, alij bonum primum principium dixere: at quoniam pacto sit principium non explicant; nunquid ut finis; an ut id quod mouet; an ut forma, Absurde, & Empedocles censet. bonum enim ipsum concordiam ponit esse: hoc autem principium est, & ut mouens (congregat enim) &, ut sonant eius verba, est ut materies. est enim pars, eius, quod congreffum est. Quod si eidem accidit, ut sit principium, ut mouens, atque materies: tamen ipsum esse non erit idem. Vero igitur eorum concordia erit? Absurdum est etiam censere, discordiam non subire corruptionem; ita ut hæc natura sit ipsius necessarij natura. Anaxagoras autem ipsum bonū principium, ut mouens esse ponebat, mens enim apud ipsum mouet, quare aliud quodpiam erit. nam idem est, quod mouet, & ipsum primum. nec potest alicuius gratia mouere, verum ita res se habet, ut nos dicemus. Est enim facultas ipsa mēdendi principium quoddam: sed gratia sanitatis mouet. sanitas quoque quodammodo est facultas mēdendi. nihil igitur prohibet primum mouere, & sui ipsi gratia mouere, ut ostendunt rationes appositæ. sed adhuc absurdus quā Anaxagoras dicunt ij; qui idem putauere principium boni, & mali; ita ut intellectus sit mouens; & materia sit obediens, & consentiens ipsi intellectui. At quoniam igitur malum proveniet? an dicet malum provenire ab imbecillitate materię, & à priuatione ipsi inhærente uti nos diximus: & omnes qui posuerunt principia contraria; ut est raritas, & densitas: cōgregatio, & disgregatio. Nam, ut videtur ex rectitudine, & ordine mouentis, impossibile est quin contraria faciat. nulla enim materia sufficit ad generāda ea, quæ nascuntur ex ipsa. sed eget causa mouente, quæ quidem format, & in ordinem redigat res illas. Redarguimus quoque in naturalis scientia falsitatem opinantium omnia ex elemento fieri. nequeunt enim causam dare cur alia generationi obnoxia sint, alia vero non. nos vero cognoscimus principia corporum cœlestium; & scimus ipsa non conuenire in materia cum his, quæ circa terram inhabitant. sed stellæ, & earum motus, causæ sunt efficientes, motrices materię; à qua generatio provenit, & magis hoc præstant erraticæ stellæ, & inter eas magis sol, & luna, hasq; dicendum est, aut materiam prorsus non habere, aut diuersam materiam habere à materia generabilem, & corruptibilem; ut intellectus mouens corpus non habet eandem materiam, quam corpus, præterea nemo dixit cur generatio, & corruptio semper sit, perinde atque nos: qui diximus, ex accessu, & recessu cœlestium corporum hoc fieri, opinantes causam continuantem variam, pendere à causa, uno, & eodem modo semper se habente. Adhuc quidam, intelligibilia transcendentes, atque apud omnes nota, aiunt: ea quæ sunt ex eo, quod non est, fieri; quidam vero ex ente actu. indiuisibilia nāque Anaxagoræ, & Empedoclis elementa ea, quæ sunt, ex eo, quod actu est, fieri cogunt. quod quidem absurdum est, absurdus autem putant qui plura principia ponunt, siue tria sint. Siue quatuor: siue duo, potest, enim, quispiam dicere, cur principia hoc tantum numero sunt, & non alio? quod si aliqua agunt: & alia patiuntur: quis congregauit ea, simulq; iunxit: & consentientia fecit? fateri ergo cogitur nobilius principium, quā ipsa sint reperi, quod si duo tantum principia sint: ut Deus: & materia: aut densitudo, & raritas: id quoque accidit: nequeunt enim ex se ipsis congregari, & consentire: ut ynum mutationem subeat, & aliud agat. Nos vero: quia posuimus principium primum materię impermixtum, & incorporeum mouens ut amatum, & desideratum (ita enim cœlestia corpora mouet) & ortum, atque iterum ex corporibus

corporibus coelestibus nasci scimus; ex hac dubitatione euadimus. nam materiam primam non ponimus æqualem dignitate esse: ne dum præcedere primum principium. nec iungimus immediate vltimam naturam primæ naturæ. At materiam vt obsequentem ponimus. corpora verò coelestia moueri propter primam causam, vt ei adsimilentur, posuimusq; locum, qui circa terram est, necessariò esse medium, nam impossibile est id, quod circulo cietur non habere quidpiam natura stabile, & quoniam quæ in medio sunt non eadem numero semper manere possunt. alio modo perficiuntur: perpetuando scilicet generationem, & corruptionem. vt materia sequatur primam causam. Nec solum ex hoc diluitur opinio ponentium plura principia corporea: aut Deum & materiam principia esse: sed & ponentium formas: nam coacti sunt aliud præstantius principium concedere à quo producantur: quodque ea cum generabilibus, ac corruptibilibus componat, & omnes qui in his sunt sententijs, potissimumq; ij, qui ex contrarijs res generant, coguntur ponere principium aliud his oppositum. Nam contraria opponuntur calidum frigidum: & rarum denso: & vnum pluribus, nos soli immunes huius sumus absurdi, quoniam nihil contrarium primæ causæ ponimus, nam omnia, quæ contraria sunt, sunt materiæ commixta, inuicemq; transmutantur: quia potentia sunt. nec tantum decet ipsos, ponere primum principium, esse primum, ponentes nimirum cum eo aliud principium, æque primum, atque æque nobile, sed etiam ex hoc sequitur, si alicuius scientia habeatur, hanc scientiam habere aliam scientiam contrariam: quæ quidem est scientia rerum, quæ his contrariatur, nam vt calidum contrariatur frigidum: sic quoque sensus frigidi contrariatur sensui. Caloris, species enim sensibilibus imprimuntur in sensibus, at ignorantia scientiæ contraria est: non alia scientia, summa ratio, si non sit alia substantia præter res sensibiles: iisdq; præstantior: nunquam poterit inueniri primum principium (nam omnia sensibilia sunt composita) neque ordo, neque generatio, neque etiam corpora coelestia à principio necessariò penderent, sed quocumque principio corporeo dato, sequeretur dari aliud, vt Theologis contingit, qui generant ea, quæ sunt ex inani: necessariò enim querere debent essentiam inanis: vtque naturalibus accidit, qui ponebant rerum generationem ex aere, aut ex aqua, aer autem, & aqua corpora composita sunt: non simplicissima, si vero principium aliud dari contendatur, materiæ expers, & intelligibile: sed asseueretur, quod sint formæ vel numeri, tunc principia otiosa erunt. nam formæ sunt exemplaria, sed non mouetur ferrum ad exemplar: neque lapis: nisi ab arte moueatur, præterea in aliud absurdum incurrunt ij, qui numeros ponunt. nam quomodo magnitudo, & continuum ex discreto emergere potest? quod quidem sequeretur si principia numeros esse poneremus, nec solum opus est mouente causa: sed & causa formam præbente, nec putandum est ipsos formam generare, quoniam nequit discreta natura producere formam continuæ naturæ, atque species eius. Et, vt summatim dicam, inconueniens est dare principia contraria, nam, vbicunq; fuerit contrarietas: ibi est etiam potentia eminus eam consequens, nullum ergo eorum quæ sunt maneret, procul igitur sit contrarietas à principio, & hoc quidem iam satis refutauimus, & ostendimus quo medio id fieri possit. vniuersalis ergo dubitatio, quæ omnibus opponitur. & maxime his qui plura principia ponunt talis sit. Reliquum est vt queramus quomodo ex vno plura fiant, hoc quidem in numeris inuenitur, nam forma trini ex vno fit, sit & quatuor, & decem & quæ & quæcunque fuerit numerorum coniunctio, pluri-

ficatio

ficatio enim eorum videt formam vnitatis, sic etiam anima, & corpus nisi haberent principium vnum: non haberent actionem vnā: nec quicquam ex ijs simul fieret, nec constabatur vnum: siue fuerit planta: siue animal: nisi vnum sit principium singulare: quatenus vnum est; non quatenus multa. & nullus antiquorum locutus est de hoc, nec aliter dici potest, quā dixerimus nos, quod prima natura mouens, munda, sincera, partium expers, materiæ immunis, verè vna, mouet omnia ordinate, indeficienti, sempiternoq; motu: quæ quidem omnia ad hanc vnā intendunt: ordinemq; ab ipsa habent, & vnitas eius posuit mundum vnum esse, & quoduis animal in mundo existens ob eam vnum esse, finis enim in quacunque re est, quatenus ea est vna. qui vero numerum Mathematicum primum principium statuere, ac demum ex eo, & superficit corpus confecerunt, aduentitia profecto faciunt omnia entia, nihil enim alia ad alia siue sint, siue non sint conferre videntur, qui verò hoc dicit concedit vniuersi substantiam aduentitiam esse: exceptis iis, quæ à principijs numerorum, & à principijs continuorum corporum comprehenduntur: & principijs præterea horum corporum, & principijs formarum, sed nihil eorum quæ sunt male gubernatur, nec principium multitudo bona est.

F I N I S.

SERIES CHARTARVM

A B C D.

Omnes sunt Duerniones.



VENETIIS

Apud Hieronymum Scotum.

MDLVIII.